



Republika e Kosovës
Republika Kosova
Republic of Kosovo



Komuna e Kaçanikut
Opština Kaçanik
Municipality of Kaçanik

01Nr. 08-320/01-25452/22
Kaçanik, 29.09.2022

Në bazë të nenit 12.2 (d) të Ligjit 03//L-040 -Për Vetëqeverisjen Lokale (Gazeta Zyrtare e Republikës Kosovës Nr.28/4 Qershor 2008), të Vendimit të Kuvendit Komunës Nr.01Nr.400/03-26144/21 të datës 16.09.2021 për miratimin e buxhetit të komunës së Kaçanikut për vitin fiskal 2022 si dhe Rregullores Komunale Nr.06/2016, nenit 4 pika 1 dhe 2, nenit 7 dhe nenit 8 pika 5, 7, 9 dhe nenit 19, për Kushtet, Kriteret dhe Procedurat e Ndarjes së Subvencioneve, për mbështetje të fermerëve, të Propozim Vendimit të Drejtorisë për Bujqësi, Zhvillim Rural dhe Pylltari, Kuvendi i Komunës Kaçanik në mbledhjen e mbajtur me 29 Shtator 2022, mori këtë:

VENDIM

Për subvencionim të fermerëve

1. MIRATOHET Vendimi për mbështetje financiare për projektet si në vijim:
 - 1.1 Lejohet subvencionimi në shumë prej tridhjetë e katërmijë e shtatëqind e njëzet euro (34,720.00€) nga pozicioni subvencione dhe transfere të DBZHRP-së si dhe 20% participim nga fermerët në shumë prej tetë mijë e gjashtëqind e tetëdhjetë euro (8,680.00€) , për realizimin e projektit “Mbështetja e fermerëve me mekanizëm bujqësor” (freza për tërheqje me traktor, moto kultivator me freza, shpërndarëse të plehut mineral, dhe makina spërkatëse).
 - 1.2 Lejohen subvencionimi në shumë prej katërmëdhjetë mijë e tetëqind euro (14,800.00€) nga pozicioni subvencione dhe transfere të DBZHRP-së për realizimin e projektit” Subvencionimi i fermerëve me fidanë të arrës, dhe kumbullës.
 - 1.3 Lejohen subvencionimi në shumë prej njëzet e një mijë e katërqind e pesëmbëdhjetë euro (21,415.00€) nga pozicioni subvencione dhe transfere të DBZHRP-së, për realizimin e projektit” Subvencionimi i fermerëve me mjete financiare në shumë prej 200 €/ha, për mbjelljen e kulturës së grurit në sipërfaqe prej 0.40-1.0 ha.
 - 1.4 Lejohen subvencionimi në shumë prej tridhjetë e dymijë e shtatëqind e nëntëdhjetë e pesë euro (32,795.00€) nga pozicioni subvencione dhe transfere të DBZHRP-së, në bashkëfinancim me OJQ “Relief Islamik ”, me shumë të mjeteve prej tetëdhjetë e tremijë e nëntëqind e tetëdhjetë e katër euro (83,984.00€) si dhe participimit të fermerëve në shumë prej njëzet gjashtë mijë e katërqind e gjashtëmbëdhjetë euro (26,416 €), sipas marrëveshjes së lidhur në mes të OJQ “Relief Islamik dhe komunës Kaçanik, për realizimin e projektit subvencionimi i fermerëve me serra.

2. Obligohet Drejtoria e Bujqësisë, Zhvillimit Rural dhe Pylltarisë, që në harmoni të Rregullores Komunale Nr.06/2016, nenit 4 pikës 1 dhe 2, nenit 7 dhe nenit 8 pika 5, 7, 9 dhe nenit 19, për Kushtet, Kriteret dhe Procedurat e ndarjes së subvencioneve, në mbështetje të fermerëve, t'i ndajë mjetet e cekura si në pikën 1 të këtij Vendimi.
3. Për zbatimin e këtij vendimi kujdesen: Kryetari i Komunës, Drejtoria e Buxhetit dhe Financave dhe Drejtoria për Bujqësi, Zhvillim Rural dhe Pylltari.
4. Ky Vendim hyn në fuqi 15 ditë pas regjistrimit në Zyrën e protokollit të autoritetit mbikëqyrës – MAPL-së, si dhe 7 ditë pas publikimit në Faqen zyrtare të komunës.

Me këtë Vendim njoftohen:

1. Kryetari i Komunës;
2. Drejtoria e Buxhetit dhe Financave;
3. Drejtoria për Bujqësi, Pylltari dhe Zhvillim Rural;
4. Arkivi.



Kryesuesi i Kuvendit
Kemal Murseli



REPUBLIKA E KOSOVËS
REPUBLIKA KOSOVA
KOMUNA E KAÇANIKUT
OPSTINA KAÇANIK



I	Data	20-10-22	Vendi	Kaçanik
Nj. org.	Numri	Shtojcë		
01-060/01-283		03/22		

REPUBLIKA E KOSOVËS / REPUBLIKA KOSOVA / REPUBLIC OF KOSOVO Qeveria e Kosovës / Vlada Kosova / Government of Kosovo Ministria e Financave / Ministarstvo za Finansije Ministry of Finance Arkiva - Arhiva - Archive	
Nisma Org. Org. Unit	Nr. Prot. Prot. No.
	2347
Nr. fletësive Broj strana	Data Datum
19	19.10.2022
PRISHTINË/A	



HYRJESE - ULAZNA - INCOMING	
Ministria e Administrimit të Pushtetit Lokal Ministry of Local Government Administration	
Data Datum	19.10.2022
- VI - 020-895/7	

Republika e Kosovës
Republika Kosova - Republic of Kosovo
Qeveria - Vlada - Government

*Ministria e Financave, Punës dhe Transfereve - Ministarstvo Finansija, Rada i Trasfera -
Ministry of Finance, Labour and Transfers*

Për:	Besim Ilazi, Kryetar i Komunës së Kaçanikut
Kopje:	Kemal Murseli, Kryesues i Kuvendit të Komunës Elbert Krasniqi, Ministër në Ministrinë e Administrimit të Pushtetit Lokal Venera Çerkini, Zv. Sekretare e Përgjithshme, Ministria e Administrimit të Pushtetit Lokal Njësia për Administrimin e Dokumenteve, Ministria e Administrimit të Pushtetit Lokal
Përmes:	Resul Makreshi, Zv. Ministër në Ministrinë e Financave, Punës dhe Transfereve Enis Spahiu, Zv. Sekretar i Përgjithshëm, Ministria e Financave, Punës dhe Transfereve
Nga:	Klit Shala, Zv. Drejtor i Departamentit Ligjor, Ministria e Financave, Punës dhe Transfereve
Zyrtarët përgjegjës:	Referencë: 259/2022
1. Zyrtari hartues i vlerësimit ligjor	Bora Duli, Zyrtare e Lartë Ligjore, Ministria e Financave, Punës dhe Transfereve
2. Zyrtari konfirmues i vlerësimit ligjor	Kimete Zekaj, Zyrtare e Lartë për Politika Buxhetore, Ministria e Financave, Punës dhe Transfereve
Lënda:	Konfirmimi i ligjshmërisë të aktit të Komunës së Kaçanikut
Lloji i aktit:	Vendim

I nderuari Kryetar z. Ilazi,
I nderuari Kryesues z. Murseli,

Në pajtim me Rregulloren e Qeverisë së Republikës së Kosovës Nr. 10/2019 për Shqyrtimin Administrativ të Akteve të Komunave, plotësuar dhe ndryshuar me Rregulloren (QRK) Nr. 06/2021, e në bazë të kompetencave ligjore të Ministrisë, të përcaktuara me ligjet bazike dhe Rregulloren e Qeverisë së Republikës së Kosovës Nr. 02/2021 për Fushat dhe Përgjegjësitë Administrative të Zyrës së Kryeministrit dhe Ministrive, plotësuar dhe ndryshuar me Rregulloren (QRK) Nr. 04/2021, Departamenti Ligjor i Ministrisë së Financave, Punës dhe Transfereve, ka pranuar për shqyrtim të detyrueshëm të ligjshmërisë, ashtu siç parashihet me nenin 81 të Ligjit Nr. 03/L-05 Për Vetëqeverisje Lokale, aktin komunal si në vijim:

Vendimi 01Nr. 08-320/01-25452/22, për lejimin e mjeteve për subvencionimin të fermerëve
I miratuar më datë 29.09.2022
I parashtruar për shqyrtim në Ministrinë e Administrimit të Pushtetit Lokal më datë 04.10.2022
I dërguar për shqyrtim në Ministrinë e Financave, Punës dhe Transfereve më datë 06.10.2022

Ministria e Financave, Punës dhe Transfereve (këtej e tutje referuar si "Ministria"), duke u bazuar vetëm në këndvështrimet që prekin fushëveprimin legjislativ të Ministrisë, si dhe pas shqyrtimit të përmbajtjes së aktit të mësipërm të Komunës së Kaçanikut, jep konstatimet ligjore bazuar në këndvështrimet e mëposhtme:

1. Komuna e Kaçanikut, me anë të aktit administrativ që është subjekt i shqyrtimit, synon mbështetjen financiare për fermerët e komunës.
2. Komunat, në mungesë të një legjislacioni standard që rregullon kriteret e dhënies së subvencioneve në mënyrë uniforme për organizatat buxhetore, ndarjen e subvencioneve, si mjet të shpenzimit të parasë publike, e realizojnë duke u mbështetur në rregulloret e tyre të brendshme.
3. Edhe përkundër faktit se Komunave iu jepet pavarësi financiare në menaxhimin e financave të tyre, ashtu të precizuar me nenin 2 të Ligjit Nr. 03/L-049 për Financat e Pushtetit Lokal, Komunat obligohen t'i zbatojnë dispozitat e aplikueshme të Ligjit Nr. 03/L-048 për Menaxhimin e Financave Publike dhe Përgjegjësitë, plotësuar dhe ndryshuar me Ligjin Nr. 03/L-221, me Ligjin Nr. 04/L-116, me Ligjin Nr. 04/L-194, me Ligjin Nr. 05/L-063, me Ligjin Nr. 05/L-007 dhe me Ligjin Nr. 06/L-21 (këtej e tutje referuar si "LMFPP"); gjatë disponimit me të hyrat financiare komunale, e përcaktuar si në vijim:

Neni 7
Burimet Financiare Komunale

7.2 Komunat duhet t'i zbatojnë dispozitat e aplikueshme të LMFPP gjatë disponimit me këto burime financiare.

4. Ajo që i faktorizon edhe më shumë detyrimet e përcaktuara me dispozitat e LMFP-së është neni 81 i LMFP-së, në të cilin precizohet që në rastet kur ky ligj ka mospërputhje me ligjet dhe aktet e tjera nënligjore, dispozitat e LMFP-së kanë përparësi, sikurse përshkruhet më poshtë:

Neni 81

Hyrja në fuqi/Shfuqizimi i legjislacionit paraqark/Zbatueshmëria

81.1. Në rast mospërputhje me ligjet dhe aktet e tjera nënligjore, që kanë të bëjnë me menaxhimin e parasë publike, dispozitat e Ligjit për Menaxhimin e Financave Publike dhe Përgjegjësitë, do të kenë përparësi, në pajtim edhe me nenin 36 të Ligjit për Menaxhimin e Financave Publike dhe Përgjegjësitë. [theks i shtuar]

5. Në rrjedhë të kësaj, LMFP konsiderohet ligj organik që përcakton kushtet, procedurat dhe konditat ligjore për menaxhimin e mirëfillt të financave publike në përgjithësi, dhe shpenzimin e parasë publike në veçanti.
6. Në kuptim të shpenzimit të rregullt të parasë publike, neni 17 i LMFP-së precizon qartë se paratë publike do të përdoren vetëm për qëllime të miratuara publike, si dhe të shpenzohen nga fondet e ndara dhe të alokuara [theks i shtuar].
7. Nisur mbi këtë bazë, Ministria ka konsultuar Ligjin Nr. 08/L-066 mbi Ndarjet Buxhetore për Buxhetin e Republikës së Kosovës për vitin 2022, si dhe strukturat përgjegjëse të Ministrisë për buxhetin e Komunës së Kaçanikut, ku është evidentuar se organizata buxhetore i ka të planifikuara shpenzimet e potencuara me aktin komunal për këtë vit fiskal.
3. Si përfundim, dhe duke marrë për bazë konstatimet e mësipërme, akti administrativ i Komunës së Kaçanikut është në përputhje me legjislacionin në fuqi - mirëpo realizimi i suksesshëm i këtij vendimi kushtëzohet me përputhshmërinë me dokumente tjera mbështetëse në raport me udhëzimet apo rekomandimet e Departamentit të Buxhetit.

Ministria mbetet në dispozicion të Komunës së Kaçanikut dhe/apo Ministrisë së Administrimit të Pushtetit Lokal për çfarëdo sqarimi të mëtejshëm lidhur me këtë vlerësim.

Me respekt!

Interpretimi i dhënë nga Ministria e Financave, Punës dhe Transfereve përkitazi me këtë çështje mbështetet vetëm në këndvështrimet që prekin fushëveprimin legjislativ të Ministrisë së Financave, Punës dhe Transfereve